



मेरों सॉच्वों साथी



1

पेटारॉऊँ केखी परमेश्वर रों बचन शिकणेरी किताब



एक बैरे ईशु ऑङ्जी तेसरै चेलै एक शादी दी डै। तीं शादी दी तेसरी आमा बी आईयन्दी थी। तेत्कै अँगूर रॉ रस खतम ऊई गोअ थॉ।

तैबै ईशु री आमा तेसकाई आई, ऑङ्जी तेसारी बोलॉ, कि अंगुर रॉ रस खतम ऊई गोअ। तैबै ईशुई बोलॉ, तुमै मुआरी एशॉ केलाई रॉई बोलदी लागी? ईबी मेरॉ बॉक्त ना आअ।


तै बी तेसरी आमाई सेवकूँ आई बोलॉ, ज़ॉ




कुछ सेऊ तुमुआरी बोलै लॉ तै तुमै तेशॉई कॉरिय। तेत्कै आथ दोणेखी डोळु रै छँॊ मॉटकै थै थॉअन्दै। ज़िन्दै आँशी कॉई एक शॉ बीस लीटर पाणी आये थॉ।

ईशुई सेवकूँ आरी बोलॉ, कि तिऊँ मॉटकाऊँ टुळा टुळियै बॉरी दैअ, तैबै सेवकूँ सै मॉटकै टुळा टुळियै बॉरी देणै। मॉटकै बॉरनै बासियै ईशुई सेवकूँ


आरी बोलॉ, ऐबै गाडिय दावत रै मुखिया काई गिणॉ।



तैबै सेवकूँ मॉटकै कॉई गाडिय आँजी दावत रै मुखिया काई गिणॉ। तैबै दावत रॉ मुखियाई सेऊ पाणी चाखॉ जूणज्हॉ अंगुर रॉ रस बॉणी गोअ थॉ, मुखिया ना जाणै थॉ, कि एऊ केतकॉई आअ, पर तिऊँ सेवकूँ कै पतॉ थॉ ज़िऊँ पाणी गाडॉ थॉ।



तैबै दावत रै मुखियाई लाडॉ ऑटाईय तेसारी बोलॉ, हर एक ज़ॉणॉ अँगाँणिकै बडिया अंगुर रॉ रस दैण ऑङ्जी ज़ॉ लोग पिय पोरू डॉटैण तैबै थोड़ी बेकार वाळी दैण। पर ताँई तै बडिया अँगूर रॉ रस ईबी ज़ॉऊँ थॉ छाड़ी। ईशु मसी रॉ एज़ॉ अँगाँणिकै रॉ चमत्कार थॉ। एऊ पैहलॉ चमत्कार* देखाईय, ईशु मसीएई आपड़ी महिमा परगट कॉरी आँजी तेसरै चेलऊँ तेसदी बिश्वाश किय।





परबू सॉदाई आमारै साथै रॉयै, एज़ी बॉज़ै कॉई आम्कै केत्राई बी केज़ी चीज़ेरी कॉमी ना ऑई सॉक्दी

आमारॉ परमेश्वर जेशॉ आमारै बुजुर्गु रै साथै रॉयै थॉ, तेशॉई आमारै साथै बी रॉयै, सेऊ आमूँ पोरू ना गाडै लॉ आँजी ना आमूँ छोडै लॉ।




एक बैरे ईशु मसी नाईन नॉऊँ रॉ एक शेर दी डैअ, तेसरै साथै तेसरै चेलै ऑँज्जी एक बड़ी बीड़ बी थी। ज़ॉ सेऊ शेर रै गेट काई पॉईँच्चॉ, तै कुछ लोग एक मुर्दई रैयै थै गिण्डै लागी; सेऊ मॉरॉन्दॉ माणूछ आपड़ी आमा रॉ एकलॉतॉ बेटा थॉ, सै बिदुवा थी। मुर्दई गिन्दू बैरे शेर रै बॉरी लोग तेसरै साथै थै। तीं बिदुवा देखिय ईशुई तिंरी डा लागी, ऑँज्जी तिणी तिंआरी बोलॉ। “ना लेर।” तैबै ईशु तेस मुर्दै काई नॉज्जिक डेईय सै खाट छुंई, तैबै सै लोग जूणज्जै खाटेई रैयै थै गिण्डै लागी सै तेथिकै रुकै। तैबै तिणी तेस मुर्दै आरी बोलॉ, “ए जुवाना, आऊँ ताऊँआरी बोलू बिऊ खॉड़ॉ आऊ।” तैबै सेऊ मॉरॉन्दॉ माणूछ बिऊज्जॉ ऑँज्जी बॉच्चियाईन्दै लागॉ। तैबै ईशुई सेऊ तेसरी आमा



कै देणॉ। सै सारै लोग डॉरी मारै ऑँज्जी परमेश्वर दी एक आपडै



री महिमा कॉरदै लागै, तै तिऊँ बोलॉ, कि “आमारै बीच्चे महान परमेश्वर रॉ खबरी परगट रॉ ऊई, ऑँज्जी परमेश्वर



लोगू री मदत कॉरदै रॉ आई।” परबू आमारै साथै सॉदाई रॉए ऑँज्जी ज़ॉ आमै एशॉ सुँचि कि सेऊ ना नॉथी, तैबै सेऊ आफुई आमारै बिच्चेदी आपड़ी मौजुदगी आम्दी परगट कॉरै।

1. ईशुई आपडै लोगू री डा लागै।




2. आमूँ ईशु मसी रै साथी - साथ आणडनै चाई

ऐबै आमै एज्जी बुशॉऊँ रै बारेदी का बोली? ज़ॉ परमेश्वर आमारी पॉशै, तै आमारॉ बिरोदी कुण ऊई सॉकै?

रोमियो 8:31

ਏਕ ਬੈਰੈ ਈਸੁ ਕਫਰਨੂਮ ਸ਼ੈਰ ਦੀ ਆਈਧ ਏਕ ਗਾਰੇਦੀ ਉਪਦੇਸ਼ ਰੋ ਥੋ ਦੇਨਦੈ ਲਾਗੀ। ਆੱਜੀ ਤੇਸਰੀ ਬੁਸ਼ੀ ਸ਼ੁਣਨੇਖੀ ਬਾਰੀ ਲੋਗ ਕਾਫ਼ੂ ਊਵੈ, ਏਤਕੇ ਜਾਂਤੁੰ ਕਿ ਗਾਰੈ ਰੈ ਦੁਵਾਰੈ

ਕਾਈ ਬੀ ਜ਼ਾਗਾ ਨਾ ਨਾਥੀ ਥੀ। ਤੇਤ੍ਰਾਈ ਚਾਰ ਲੋਗੁ ਏਕ ਲਕਵੈ ਰੋ ਰੋਗੀ ਟਿਪਿਧ ਤੇਸ ਗਾਰੈ ਕਾਈ ਆਣਾ। ਪਰ ਬੀਡ ਰੀ ਬਾਜੈ ਕਾਈ ਸੇਤੁ ਈਸੁ ਕਾਈ ਮਾਈ ਡੈ, ਆੱਜੀ ਸੇਤੁ ਛਾਪਰ ਪੋਰੁ



ਨਾ ਗੀਣੀ ਸਾਂਕਾਂ। ਤੈਬੈ ਸੈ ਤੇਸ ਗਾਰੈ ਰੈ ਛਾਪਰੈ ਪੋਟੋ ਤੈਬੈ ਤਿੱਤੁੰ ਸੇਤੁ ਲਕਵੈ ਰੋ ਰੋਗੀ ਖਾਟ ਰੈ ਸਾਥੈ ਬਿਤੀ ਤੱਲੈ ਦੈਅ। ਈਸੁਈ ਤਿੱਤੁੰ ਲੋਗੁ ਰੋ ਬਿਵਾਸ ਦੇਖਿਧ ਤੇਸ ਲਕਵੈ ਰੈ ਰੋਗੀ ਆਰੀ ਬੋਲੋਂ, “ਏ ਬੇਟਾ, ਤੈਰੈ ਪਾਪ ਮਾਫ ਊਵੈ।” ਤੈਬੈ ਕੁਛ ਨਿਯਮ ਕਾਨੂਣ ਸ਼ਿਕਾਣੈ ਵਾਲੈ ਆਪਡੈ - ਆਪਡੈ ਜੀਤ ਦੀ ਈਸੁ ਰੈ ਖਿਲਾਫ ਬਿਚਾਰ ਕਾਰਦੈ ਲਾਗੈ, ਕਿ



ਏਤੁ ਮਾਣੂਛ ਏਸੋ ਕੇਸੋਂ ਬੋਲੀ ਸਾਂਕੈ, ਕੇਲਾਕਿ ਪਾਪ ਮਾਫ ਕਾਰਣੈ ਰੋ ਅਦਿਕਾਰ ਤੈ ਖਾਲੀ ਪਰਮੇਸ਼ਵਰ ਰੋ। ਤੈਬੈ ਈਸੁਈ ਸੇਜਾਈ ਬੱਕੇਦੀ ਆਤਮਾ ਦੀ ਜ਼ਾਣੀ ਗੋਅ ਥੋ ਕਿ ਏ ਲੋਗ ਆਪਡੈ ਜੀਤ ਦੀ ਕਾ



ਬਿਚਾਰ ਰੱਧੈ ਕਾਰਦੈ ਲਾਗੀ। ਤੈਬੈ ਈਸੁਈ ਬੋਲੋਂ, ਕਿ ਮੂੰ, ਮਾਣਛੈ ਰੋ ਬੇਟਾ ਕੈ ਪਾਪ

ਮਾਫ ਕਾਰਣੈ ਰੋ ਬੀ ਅਦਿਕਾਰੈ। ਤੈਬੈ ਈਸੁਈ ਲਕਵੈ ਰੈ ਰੋਗੀ ਆਰੀ ਬੋਲੋਂ,

“ਆਉ ਤਾਉ ਆਰੀ ਏਸੋ ਬੋਲੂ, ਬਿਊ, ਆਪਡੀ ਖਾਟ ਟਿਪਿਧ ਆਪਡੈ ਗਾਰੈ ਡੇਅ। ਸੇਤੁ ਫਟਚਾਰੈ ਬਿਊ ਆੱਜੀ ਆਪਡੀ ਖਾਟ ਟਿਪਿਧ ਸਾਰਿਤੁੰ ਰੈ ਸਾਮਣੈ ਕਾਈ ਡੈਅ। ਏਸੋ ਦੇਖਿਧ ਸਾਰੈ ਲੋਗ ਹੈਰਾਨ ਊਵੈ, ਆੱਜੀ ਪਰਮੇਸ਼ਵਰ ਰੀ ਤਾਰਿਫ ਕਾਰਿਧ ਬੋਲਦੈ ਲਾਗੈ, ਆਮੁੰ



ਏਸੋ ਕਾਦਿਨਾ ਦੇਖਵੋ।

- ਈਸੁ ਮਸੀ ਦੀ ਬਿਵਾਸ ਕਾਰਣੈ ਕਾਈ ਆਮਕੈ ਆਪਡੈ ਪਾਪੁ ਕਾਈ ਮਾਫਿ ਮਿਲੈ।
- ਆਮੁੰ ਈਸੁ ਮਸੀ ਰੀ ਮਹਿਮਾ ਕਾਰਦੂ ਚਾਈ ਰਾਣੈ।

ਕੇਲਾਕਿ ਜੇਤਕੈ ਦੂਈ ਯਾ ਚੀਨ ਜਾਣੈ ਮੈਰੈ ਨਾਉੰ ਕਾਈ ਕਾਫ਼ੂ ਊਵੈ ਲੈ, ਤੇਤਕੈ ਆਉ ਤਿੱਤੈ ਬਿਚੇਦੀ ਆਉ।